

Deo optimo maximo uni & trino, Virgini Deiparae, & sancto Lucae orthodoxorum Medicorum Patrono.

## QUÆSTIO MEDICA.

Quodlibetariis disputationibus, manè discutienda in Scholis Medicorum, die Jovis vigesima-tertiâ Decembris.

M. EUSEBIO ADRIANO THUILLIER, Doctore Medico, è Regia Scientiarum Academia, Praside.

An ab aëris vi elasticâ, motus musculorum?

**Æ**QUA corporis humani comparatio cum machinâ elastico-hydrolico-pneumaticâ. Mira partium quibus confatur, luxuries & consensus, arguit creatoris potentiam infinitam, legum simplicitas, quibus tota nititur, & conservatur sapientiam. Evoluta ejus compages artificium declarabit. Solidæ partes in fibrillas resolvuntur omnino, fluidæ omnes à sanguine ortum ducunt. Illæ canalibus dant locum, qui circumvolutionis ratione, sitis, posture, membranas efformant, nervos, glandulas tam conglomeratas, quam glomeratas, varia incernunt, ossa, cartilagineas fibras musculorum. Sanguis non unus facultatis liquor, ob partium varietatem, humoribus usque labentibus dat ortum, & spiritibus. Duæ partes principes, nervi & musculi. Primæ occasionem sensationum omnium jure vocantur. Secundæ motuum subiecta variorum, five voluntatis imperio fiunt, five solâ automatis lege, five mixti sint è duobus. Anima videlicet eâ lege corpori, dum vivit, devincitur, ut quoties in eo motus excitantur, qui vel machinam conservare valeant, vel insigniter lædere, oriatur in eâ (divinæ particulæ auræ) sensatio, quæ vel voluptatis aut doloris, gaudii aut tristitiæ vocabulo venit. Sic duas substantias sociavit omnipotens, quæ à se plurimum abhorrent; prodigium naturale & perpetuum, quod præ inficitâ non sat mirantur homines. Non est de structurâ musculi, inter recentes Anatomicos dissenso. Is est pars organica corporis. Constat ex membrânâ, carne, arteriis, venis, nervis, & tendine. Tegumenti ad instar Membrana totum involvit, sub quam conspicere datur fibras innumeras colore sanguineo saturatas. Hæc fibrarum compages definit in substantiam quandam albicantem consistentiæ nervæ, & tendo dicitur. Hic plerumque in principio, seu capite, & sine, vel caudâ musculi reperitur, medias tenet venter. Musculorum substantiam perperat innumera arteriarum, venarum capillarum, & motus continetur. Musculus porro, facili negotio in plures fasciculos divellitur, quorum quilibet formam refert prismatis triangularis, quadrati, pentagonalis, aut alterius generis, prout ipse est variè figuratus. Notat celeberrimus Borellus, fibras musculares post elixationem inflari, quas si exquisito armatus microscopio introspicias, cylindros animadverteres haud ab similes virgulis arborum, & substantiâ quâdam spongiosâ repletos; hinc videre est fibrillam muscularem excavatam esse, & porosâ. Cæterum fibræ fasciculorum colligantur, & quasi vincuntur à fibrillis transversalibus, tendinosis, parallelis, quæ cum prioribus texturam reticularem effingunt. Sic cavitas cujusque cylindri, vel fibræ motricis distinguitur in æqualia internodia, quæ plures cellulas seu vesiculas efformant; hæc laxioris vinculi beneficio inter se viam expeditiorem admittunt.

**F**LACCESCUNT cellule, seu machinule istæ, ut cum Borellâ loquamur, & suis lateribus inertes connivent, quando musculus oriatur, & distenduntur è contra, & figuram peculiarem induunt, quando movetur. Hinc primâ fronte, novæ materiæ appellentis necessitas demonstratur, quæ machinulas ad contractionem adigat; eam verò qualis sit, describere, & quæ operetur motuum lege definire, non ita facile. Iniqui proculdubio rerum æstimatores, qui animam ipsam, aut facultatem incorpoream, ut principium & causam hujusce motus agnoscunt. Responsum habeant ex poetâ, tangere enim & tangi, nisi corpus, nulla potest res. Deluduntur falsâ imagine motus, & facultatis sonum retinent, non veram facultatem. Sanioribus etiam tum Physicis, tum Anatomicis visa fuit *Stenoniana* hypothesi, cum nentum lusuque ingeni, quâ placet abique novæ materiæ accessione, nimirum per solam mutationem figuræ, (commigrando scilicet à parallelogrammo obliquo in rectum,) musculum decurari; refragatur huic opinioni, tritum illud, atque inconcussa veritas in phisicis principium, quod movetur ab alio movetur. Obsolevit jam pridem veteris opinio, quâ spirituum animalium jugi influxu, & quasi impetu factò, totam musculi molem turgescere credebatur, ita sane non difficili negotio, atque ad arbitrium, copiam spiritus animalis, qui sanguinis pars delicatior, & purissima, ros pretiosus audibat, prodigialiter auget, cæterum de ipsius naturâ, operandi arte, ne verbum quidem. Rationi non satis consonum nec experientiæ, fluidum quoddam salino-sulphureum, è cerebro, cerebellove diffundi per nervos, quod deinceps cum sanguine commixtum, hæc valeat excitare ebullitiones, quæ musculum ad contractionem adducant, refert prismatis triangularis *Poissillius*. Non est ad explicandos automatis motus, necessaria saporum cohors; experientia demum, succum nerveum, si quem commoustrat nervos irrigantem, saporis nullius esse declarat, aut admodum insipidi. Non melius figgas cum doctissimo *Mayerov*, qualitatem quandam nitro-æream, hæc difficilius & agrè nimis canalibus irretiri valere, & præcaria is videbitur, qui aquæ frigida solo appulsi partes moveri posse intelligunt, atque ita fluidum nerveum, subeat modo musculum, movere eum posse cujuscumque sit qualitat. Non finis madefacti imitatio arripit, quo enim pacto posset voluntatis imperio, & prodigiose musculorum velocitati respondere pigra hæc, lentaque effervescencia? quo pacto nutu voluntatis subito detumescere, iterumque turgescere valerent? unde sponte cessaret turgescencia? cum eos constet perpetuo liquore, præsertimque purpureo, madefactos irrigari.

**L**ONGE proculdubio felicior, faciliorque hypothesi, de motu musculorum, quam non ita pridem exaravit, vir omni scientiarum laude cumulatissimus, *Johan. Bernoulli Doct. Medicus, nec non Matheseos Groningæ Professor dignissimus*. Fatetur veram contractionis musculorum causam attigisse eos, qui eam ab inflatione quâdam deducunt, quique ebullitionem, seu dilatationem admittunt fluidi intra vesiculas contenti, ut acquirant fibræ latitudinis ratione, quod demitur ex longitudine. Supponit cum Borellâ nervos esse congeriem tubulorum spongiosâ quâdam substantiâ repletorum. Hanc semper turgescere verisimile est, succoque, quem *nerveum* vocitant, repletam esse valde spirituosâ, & mobili, quem cerebrum, cerebellumve indefinenter suppedant, quique sit ejus naturæ, ut si sanguini commisceatur, subitaneam pariat effervescencia, hæc occasione. Anima respectu corporis, non valet actum voluntatis exercere, quin illico fiat agitatio quædam, in cerebro spirituum animalium, vel succi illius, qui mox nervus est appellatur, quique, ut verissimili nomen demus, ut est sensationum omnium, organum occasione immediate, ita & motuum, qui perscitur in corpore causâ efficiens, immediata, *occasionalis* debet in posterum vocitari. Id perscitur ex necessitate unionis mirabilis, quam constituit omnipotens animam inter & corpus, unionis inquam, lapsum retrò seculorum, caligine, & tenebris conspuita, ætati huic servata, à summis hujus sæculi Philosophis, luculenter, & evidentiissimè demonstrata. Quoniam vero eodem spiritu, seu succo nerveo referta est longitudo tota nervi, non potuit principium ejus commoveri aliquid, quin alterum ejus extremum subcuriatur parumper, ut in baculo evenit oblongo, cujus extremitate unâ vel tantillum commota, altera pariter ob contiguitatem partium commovebitur; sic irritato nervi principio, guttula extrema succi nervosi ex altero osculo levi vibratione eicitur, & hoc modo ex aliis omnibus nervulorum, quæ musculum pereperant oculis, totidem guttule evomuntur. Non aliter evenit in spongâ liquore turgidâ, quæ guttulas effluere non sinit, nisi prematur; cellule quippe valvularum officio funguntur, retinentque materiem. Dum igitur imperio voluntatis, aut consuetudine naturæ, aut aliâ quâlibet causâ præter naturam innumeræ guttule, eâ quam descripsimus mechanice, per totam musculi molem, (quæ spongia ad instar, sanguine irrigatur, & madefit), prorumpunt ex officiis nervulorum, earum particulæ spirituosæ, summæque mobiles, spiculis quibus armanur, impingunt in particulâ sanguineas, tenuiores diffingunt impetu factò, & insito aëri, quilibet moleculis incarcerebatur, exitum præbent, is eâ quâ pollet elateris virtute, ebullitionem quandam de novo procreat, seu dilatationem vesicularum muscularium, quæ illico detumescant, subdantque necesse est, ex quo subtilior spiritus, auræque elastica sui juris facta, ob exiguitatem partium, musculi poros libere perperit, avolatque in aërem externum, ni de novo, jugiterque guttule succi hujus infilluntur, quæ novam dilatationem molecularum purpurearum generent, & musculum in eodem statu, contractionis retineant. De figurâ musculi, & præcipue contracti, parum solliciti veteres. Illam facultati motivæ per mittebant. Inter recentiores Borellus, figuram *Rhomboidalem* vesiculis suis, aut machinulis adscripsit, quas ideo vocat machinulas *Rhomboidales*. At quam sint à verâ figurâ alienæ, quamque & naturæ, & pressioni fluidorum repugnent, demonstravit, idem vir supra laudatus, *Joh. Bernoulli* quas vult ad circulum accedere, habebuntque figuram ex infinitis propemodum segmentis circuli æqualibus constata, si ut solidæ considerentur, ex duobus si planæ, ex quibus in longitudine similiter instar annulorum catenæ positæ, formatur fibra motrix, quam fibrâ *Bernoullianam* dicere fas sit.

**E**X hac hypothesi, non ita operoso immenso, immo incredibile musculorum *energetam* deducere, explicare motus spasmodicos, seu convulsivos, rigorem, tremorem membrorum, oscitationem, pandiculationem, & quæ alia numerantur, facilius & levi conjecturâ ex supra dictis sequuntur. Immo ex calculo elateris auræ motivæ, cum resistuntur viribus, sit manifestum, machinulas istas in maximâ contractione, vix ad tertiam sui partem dilatare; quod dicendum de musculo, quia machinule omnes ex quibus constat similiter decurantur; contractio autem unius machinule est ad contractionem totius fibræ muscularis, ut longitudo illius, ad longitudinem hujus. Desinit mirari tam levem auram, accuratissimè etiam microscopis imperviam, ejus esse virtutis, ut musculi molem ad contractionem adigere queat, quibus ratione simul, & experientiâ duce demonstratum habuerit, primò aërem solum inter fluida corpora esse elaterio donatum, proindeque jure ac merito ut dilatationum omnium, ita musculorum contractionis esse parentem; secundo ipsum vinculis circumambientium corporum ita comprimi, ut se ipso libero multo densior evadat, & exinde ad elaterem prompior. Primum perpetuâ propositionum serie immediatè deducitur ex hypothesi Cartesianâ, & cuiuslibet seriò meditantium planum fiet. Ad secundum sensibus ipsis, atque autopsyâ, quasi manu ducimur. Videmus, si liquorem aliquem, aquam videlicet, lac, & similia, igni committamus, infinitas propemodum excitari bullas, liquorem jam eodem non contineri spatio, manifesto quidem aëris intus latentis indicio, qui dilatatur ope igneorum cuneorum, vincula solvit quibus irretiebatur, obque levitatem fertur ad apicem liquoris, bullasque efformat: hinc in aquâ, quæ semel bulliit, vivere pisces nequeunt, quia frustratur aëre. Similiter etiam liquoribus omnibus aërem inesse compressum, evincunt experimenta *Boyleana*, includatur enim machinâ pneumaticâ liquor aliquis, ex eâ, ut solet, artificiosè ducatur aër, statim animadvertere est innumeras bullas aëreas, ut in prædictâ effervescencia erumpentes, quod ut in omnibus, tum in cerevisiâ præcipue. Quod solidâ speciat corpora non ita tamen dura, comprobatur eodem processu plurimum inesse densitati aëris; idem de durioribus, ipso sensu judice, sentiendum, quæ si injiciantur in ignem, dissiliunt subito cum impetu, & disrumpuntur non fine fragore. Ejus generis sunt lapis vitrum &c. Quid demum judicandum de sclopetis pneumaticis, recens inventis, quæ ope solius aëris condensati, globulum per asserem satis crassum trajiciunt, in quibus tamen aër vix decies naturalis densior. Non demum compressa intra moleculas sanguinis auræ elastica musculorum motui impar videbitur, si ex processu experimentalis *Boiliano*, quem referre longius foret, evincatur rationem spatii aëris condensati, esse ad spatium ejusdem dilatati & expansi, circiter ut 1. ad 2744. 8000. 832. 13769. &c.

**L**ONGE latèque se diffundit præclara hæc hypothesi, ad naturæ misteria. Quidni etiam ad fermentationes, atque effervescencias ritè explicandas plurimum inserviat. Earum natura legibus ejusdem mechanices, constantique motuum ordine nititur. In explicandâ earum indole, *chymico-fermentum* imperitam plebem ne audias, qui unus aut alterius vocabuli insolentia gentiles, se solos autamant naturæ scrutatores, & philosophos. *Quærit quid sit effervescencia?* pressio adiut. *Motus est præter naturalis, ortus ex congressu acidî cum alkali.* Si intes, quid sit acidum? quod cum alkali effervescat. Sique egregios necesse discunt circulos è quibus sese diffucit admodum expeditur. Pari lance æstimanda sunt vocabula, ita erroris, & ambiguitatis plena, *salina, sulphurea, nitrofa, mercurialia*, quæque è duobus mixta coalescunt, ut *nitro-ærea, salino-sulphurea*, & similia. Veritati, ipsique rerum naturæ magis consentaneum, ad fermentationis, & effervescencia explicandam indolem, supponere quod verissimum est, aërem compressum sui juris factum, quâ data porta, ruere inque majus spatium extendi. Aërem liquore quovis contentum, nulloque impedimento obice, sursum premi ad apicem liquoris, sub formâ bullularum. In quovis corpore & quâlibet ejusdem particulâ contineri non parum aëris, & quidem compressi. Quod duo corpora, quæ simul commixta valent effervescencia producere, sint ex certis particulis ab aliis figurâ distinctis, constata, quorum primæ, spicularum ratione, in alteras impingere valent, earumque texturam diffingere. His positis, nec difficili operâ demonstratis, dum corpora duo, quæ effervescere apta nata sunt, secum invicem congediuntur, quilibet particulæ, quæ *agentes* vocare licet, in *patientes* alterius corporis impingunt, & quia illarum particularum anguli prominentes, in harum sinuosos, & concavos, impetu factò, cuneorum instar, insiguntur, aliter fieri nequit, quin particulæ, quas *patientes* appellare lubet, impetum non sustineant, diffingantur illico per medium. Quo pacto aëri compresso, atque intus latenti, exitus paratur facilis, tumque è carcere & vinculis liberatus, erumpit cum strepitu, spatium occupat amplius, tandemque ad superficiem usque liquoris sub forma bullularum erumpit, non secus ac si ab igne vehementer bulliret. Hæc mechanices lege, fermentationis, & effervescencia causâ evidens est, & in plano: quæque ab iis nascuntur, varia patent naturæ miracula, inter quæ dubio procul non infimum obtinent locum vis musculorum, & motus.

Ergo ab aëris vi elasticâ motus musculorum.

Domini Doctores disputaturi.

M. Philippus Ignatius Save. M. Petrus Joannes Burette. M. Ludovicus de Vaux. M. Petrus Marais. M. Carolus Contugi. M. Franciscus Vernage. M. Claudius de Frades. M. Abrahams Thevart. M. Claudius Quartier.

Proponebat Parisiis JOANNES DEPINEY PESCHARD, Cenomanensis, Baccalaureus Medicus. A. R. S. H. 1700.